

Sulisunik Siulersuisut Kattuffiat

Arbejdslederforeningen i Grønland

§ 1.

Kattuffiup pilersinneqarnera angerlarsimaffialu:

Sulisunik Siulersuisut Kattuffiat (SSK) pilersinneqarpoq 10. November 1970.

Imm. 2. Sulisunik Siulersuisut Kattuffiat Sisimiuni angerlarsimaffeqarpoq.

§ 2.

Kattuffiup siunertaa:

Sulisunik Siulersuisut Kattuffiata siunertaraa sulisunut siulersuisutut suliaqartut ataatsimut katersorniassallugit, sulinerannilu nukittorsarniassallugit.

Imm. 2. Isumaqaatigiinniartarnertigut ilaasortat soqutigisaasa pingaartinneqarlutik sulissutigineqartarnissaat anguniassallugu.

Imm. 3. Sulisunik Siulersuisut Kattuffiannut ilaasortamik soraarsitsisoqartillugu tamakkiisumik illersuisuunissaq anguniassallugu.

§ 3.

Kattuffimmut ilaasortaasinnaaneq:

Sulisunik Siulersuisut Kattuffiannut ilaasortaasinnaapput kikkulluunniit sulisunut siulersuisutut suliaqartut, kiisalu pisortaviit tullersortai sulisartut isumaqaatigiissutaasa avataaniittut.

§ 4.

Kattuffimmut ilaasortaannermut akiliut:

Sulisunik Siulersuisut Kattuffiannut ilaasortaaneq qaammammut 350,00 kr-ninik akeqarpoq.

Imm. 2. Sulisunik Siulersuisut Kattuffiannut ilaasortaannermut akiliut taamaallaat allangortinneqarsinnaavoq ileqquusumik ataatsimeersuarnermi.

Imm. 3. Ilaasortaq kinaluunniit pissuteqarani ukiumut akiliinngitsuuissoq ilaasortaasutut naatsorsuutigineqarsinnaanngilaq.

§ 5.

Kattuffiup ileqquusumik ataatsimeersuartarnera:

Sulisunik Siulersuisut Kattuffiat ileqquusumik ataatsimeersuartassaaq ukiut pingasut allortarlugit.

Imm. 2. Ataatsimeersuarneq kattuffiup oqartussaaffiisa qullersaraat, tassanilu aalajangersakkat allangortinneqarsinnaanngillat.

Imm. 3. Ataatsimeersuarnissaq ilaasortanut nalunaarutigineqartassaaq qaammattit pingasut sioqqullugit

Sulisunik Siulersuisut Kattuffiat

Arbejdslederforeningen i Grønland

Imm. 4. Ataatsimeersuarnermi oqaluuserisassatut siunnersuutit nalinginnaasut peqataasut 2/3-liisa akuersinerisigut atuuttussanngortinneqartassapput.

Imm. 5. Malittarisassat allannguutissaattut siunnersuutit ataatsimeersuaqataasut 2/3-liisa akuersinerisigut atuuttussanngortinneqartassapput.

Imm. 6. Ataatsimeersuarnermi atortussat qaammat ataaseq sioqqullugu ataatsimeersuaqataasussanut tamanut nassiunneqareersimassapput.

Imm. 7. Siulersuisuunernut qinigassanngortinniartut qaammat ataaseq sioqqullugu peqataasussanut tamanut nalunaarutigineqareersimassapput.

Imm. 8. Ataatsimeersuarneq imatut ingerlanneqartassaaq:

- 1. Tikilluaqqusineq.
- 2. Aqutsisussamik toqqaaneq.
- 3. Ataatsimeersuarnermi imaqarniliortussanik marlunnik toqqaaneq.
- 4. Siulittaasup nalunaarutaata oqaluuserineqarnera akuerineqarneralu.
- 5. Naatsorsuutit kukkunerisiorikkat oqaluuserineqarneri akuerineqarnerilu.
- 6. Malittarisassat allannguutissaattut siunnersuutit akuerineqarneri.
- 7. Siunnersuutit oqaluuserineqarneri.
- 8. Siulersuisunik qinersineq:
 - Siulittaasoq
 - Siulittaasup tullia
 - Aningaasarisoq
 - Siulersuisunut ilaasortat marluk
 - Sinnisussat pingasut
- 9. Feriefond-imi siulersuisuni ilaasortassat marluk, sinnisussallu marluk
- 10. Socialfond-imi siulersuisuni ilaasortassat marluk, sinnisussalluk marluk.
- 11. Kukkunerisuisussanik qinersineq.
- 12. Tamalaat.

§ 6.

Immikkut ittumik ataatsimeersuarneq:

Siulersuisuunerit amerlanerussuteqartut aalajangernerisigut immikkut ittumik ataatsimeersuortoqarsinnaavoq.

Imm. 2. Taamatuttaaq ilaasortat 2/3-liisa piumasaqarnerisigut immikkut ittumik ataatsimeersuarneq siulersuisuunerit piviusunngortissavaat.

§ 7.

Kattuffiup siulersuisoqarnera:

Sulisunik Siulersuisut Kattuffiat tallimanik siulersuisoqassaaq ileqquumik ataatsimeersuarnermi qinerneqarsimasunik. Ukuusunik:

- Siulittaasoq

Sulisunik Siulersuisut Kattuffiat

Arbejdslederforeningen i Grønland

- Siulittaasup tullia
- Aningaaserisoq
- Siulersuisunut ilaasortat marluk
- Sinniisussat marluk

Imm. 2. Siulittaasup tunuarneratigut siulittaasup tullia siulittaasunngortinneqartassaaq.

Taamatuttaa siulersuisunut ilaasortat tunuarnerisigut sinniisussat siulersuisuunernut ilaasortanngortinneqassapput.

Imm. 3. Siulersuisuunerit ulluinnarni aqutsisunik pilersitsissapput pingasunik ilaasortallimmik ukuusunik: Siulittaasooq siulittaasup tullia aningaaserisorlu.

Imm. 4. Pisariaqartitsineq naapertorlugu siulersuisuunerit ataatsimiittassapput, taamaattorlu ukiumut ikinnerpaamik arfinileriarlutik ataatsimiittassallutik.

Imm. 5. Sulisunik Siulersuisut Kattuffiata ukiumi qaangiuttumi ingerlasimanera allaganngorlugu ilaasortanut nalunaarusiarineqartassaaq.

Imm. 6. Siulersuisuunerit ukiumut imatut kajumissaatisiaqartinneqassapput kr. Siulittaasooq 30.000,00 Siulersuisuunerni ilaasortat sinneri, 10.000,00 kr. Siulersuisunut sinniisussat 5.000,00 kr. Suliffeqarfii sinniisaat ataaseq 5.000,00 kr. (Nukiss./Kommune-INI/Namminer-Tel) Feriefond-ip kiisalu Socialfond-ip siulersuisui 5.000,00 kr.

Isumaqatigiiniartoqartillugu isumaqatigiinniaqataasut ullormoorsiaqartinneqassapput inummut ataatsimut ullormut 3.000,00 kr-ninik.

Neriuffiup ukiut tamaasa katersuiniartitsinerani tapiisoqartassaaq kr. 5.000,00

Siulersuisut piginnaatinneqarput peqatigiiffinnut timersoqatigiiffinnulluunniit tapiisinaanerminnut ukiumut 5.000,00 angullugu.

Ataatsimiinnermusiaqartitsisoqassaaq ataatsimiinneq ataaseq kr. 500,00

Imm. 7. Siulersuisuunerit pisinnaatinneqarput suleriaasissaminnik sananissaminnut

Imm. 8 Siulersuisunut qinigassanngortinnermi ataasiinnarmik qineqqusaartoqarsinnaavoq. Assersuut: Siulittaasumut siulittaasup tullianut aningaaserisumut siulersuisunut ilaasortanulluunniit ataasiinnaq qinigassanngortiffigineqassaaq.

Taamaattorli aningaasaateqarfii siulersuisuinut kikkulluunniit qinigassanngortisinnaapput.

§ 8.

Kattuffiup aningaasaqarnera naatsorsuutit atsiorsinnaatitaanerlu:

Sulisunik Siulersuisut Kattuffiata aningaasaqarnera ilaasortat akiliutaannit pisarpoq.

Imm. 2. Sulisunik Siulersuisut Kattuffiata aningaaseriffia tassaavoq 1. januar – 31. december.

Sulisunik Siulersuisut Kattuffiat

Arbejdslederforeningen i Grønland

Imm. 3. Sulisunik Siulersuisut Kattuffiata naatsorsuutai kukkunersiorneqarsimasut ataatsimeersuarnermi akuerisassanngorlugit saqqummiunneqartassapput.

Imm. 4. Sulisunik Siulersuisut Kattuffiata aningaasaqarneranut tunngasutigut siulersuisuunerit piginnaatitsinerisigut ulluinnarni aqutsisut atsiorsinnaatitaapput.

Imm. 5. Illumik allamilluunniit nalilimmik pisisoqartussaaitillugu siulersuisuunerit tamarmiullutik akuersinerisigut tamanna atortussanngortinneqartassaaq.

§ 9.

Aningaasaateqarfiit:

Sulinngiffeqarluni aningaasaateqarfik pilersinneqarpoq 1. April 2012 pisortanut isumaqatigiinniarnit toqqammavigalugit.

Imm. 2. Aningaasaateqarfik ukuninnga siulersuisoqassaaq:

- Siulittaasoq (Sulisunik Siulersuisut Kattuffiata siulittaasua)
- Ilaasortat marluk
- Sinniisussat marluk

Imm. 3. Aningaasaateqarfik pisortanut isumaqatigiissutit malillugit akuerineqartut naapertorlugit siulersorneqarlunilu ingerlanneqassaaq.

Imm. 4. Isumaginninnermi aningaasaateqarfik pilersinneqarpoq 1. April 2019 pisortanut isumaqatigiinniarnit toqqammavigalugit.

Imm. 5. Isumaginninnermi aningaasaateqarfik ukuninnga siulersuisoqassaaq:

- Siulittaasoq (Sulisunik Siulersuisut Kattuffiata siulittaasuata tullia)
- Ilaasortat marluk
- Sinniisussat marlik

§ 10.

Kattuffimmut ilaasortat illersorneqarnerat:

Sulisunik Siulersuisut Kattuffiannut ilaasorta q kinaluunniit kattuffimmut akiliisimasooq illersugaavoq.

Imm. 2. Illoqarfinni ataasiakkaani peqatigiiffeqarfiusuni siulersuisut ilaasortat ajornartorsiutlaat annikinnerusut aaqqiiviginiartassavaat.

Imm. 3. Illoqarfinni peqatigiiffeqanngitsuni suliassat Sulisunik Siulersuisut Kattuffiannut suliassanngorlugit ingerlatinneqartassapput.

§ 11.

Isumaqatigiissusiorsinnaaneq isumaqatiginninniarsinnaatitaanerlu:

Ilaasortat soqutigisaat toqqammavigalugit isumaqatigiissusiornerit isumaqatiginninniarnit ingerlanneqartassapput.

Sulisunik Siulersuisut Kattuffiat

Arbejdslederforeningen i Grønland

Imm. 2. Isumaqatigiissusiorsinnaaneq isumaqatiginninniarsinnaatitaanerlu atortineqassapput tunngaviumik isumaqatigiissutit atuuttuusut naapertorlugit.

Imm. 3. Suliassani ilaasortanut ataasiakkaanut atugassarititaasunut tunngassuteqartuni ulluinnarni aqutsisut ilaasortat sinnerlugit isumaqatiginninniartassapput.

Imm. 4. Isumaqatigiissusiornerit isumaqatiginninniarnerrillu ulluinnarni aqutsisunit tamakkiisumik naammassiniarneqartassapput.

§ 12.

Ilaasortaajunnaarsitsisarneq:

Kattuffiup anguniagaanut aalajangernerinullu erseqqissumik akerliusumik iliuuseqartoqarsimatillugu imaluunniit kattuffimmut ilumuunngitsuliorluni iliuuseqartoqarsimatillugu ilaasortaq kattuffimmi ilaasortaajunnaarsinneqarsinnaavoq siulersuisut tamarmiullutik isumaqatigiillutik aalajangernerisigut.

Imm. 2. Ilaasortaajunnaarsitaasumik ilaasortangortitseqqinneq pisinnaavoq siulersuisut aalajangernerat naapertorlugi. Ilaasortaajunnaarsitaasoq piumasaqarsinnaatitaanngilaq ilaasortaannermut akiliutigereersimasami utertinnissaanut imaluunniit kattuffiup aningaasaataanik piumasaqarnissamut.

§ 13.

Atortussanngortitsineq:

Malittarissassat uku atortussanngortinneqarput:

29. maj 1987 / 27. April 1990 / 16. Maj 1993 / 19. Oktober 1997 / 28. maj 2000 / 21. maj 2003 / 06. juni 2009 / 27. april 2011 / 25. august 2012. / 20. april 2020. 05. November 2021/26. april 2024.

ARBEJDSLEDER
FORENING